

辛丑譜序

同源分流人易世疎是所古人之歎修譜問宗百世一室之義也吾宗修譜在於庚午至今三十有二年斯間生死增減幾許多之尤者共夷南侵疆土中斷世進滄桑六親分離又有寒心者漢字廢棄諱行難繼國文普及丁鄭疑系若不及今繼修則必乎路人之歎庶幾同族之婚亦可畏矣然群議携貳衆難延仍有意而未敢者逾年往歲庚子十月陵谷時祀墓庭族大父大懿氏來叅斯席說戰衆論喚覺陳夢對余而問曰汝在宗孫之列先決可否余蹶然趨拜曰大哉大父之言宗事緊迫不一再矣皆在修譜後事無譜無宗無祖莫有急於此也但所憂慮者諸宗散離存沒未詳通信聲應之道難矣然拘於斯而嫌於彼則恐失好期凡何難事爲則爲之何疑問哉即其夜作通文分派系定代表新聞郵信各有傳告京鄉相應開宗會於十月二十八日天安致教氏家置譜所于天安驛前取其南北通路之宜節用經費之略矣選任員着全力越明年仲秋編旣成完礙路之多端逆景之反復想應認之子孫之道當在先者空提異論越秦相望延及週年一無聲援者不無是所宗事之大關也入梓前日譜首序文託余而囑之余何敢抽筆謝至再三恭疏短引略述修譜之顛末焉

辛丑仲秋上澣 忠靖公十五世孫海鵬再拜謹序

# 述先錄序

古者宗法立而國家尊三代盛時最重此法自庶人以至于大夫士莫不各立其宗以率其衆族是故有大宗小宗之別大小宗之明而譜在其中矣後世此法廢則士族之家莫不家明世系以別其派謂之族譜豈宗法之遺意耶我國世祿之家亦家有譜小則錄之爲帖大則演而爲卷卷譜多有刊行者萬曆壬辰大遭倭人之禍八路均被兵燹而譜牒之屬槩乎蕩然矣我先人於亂定之後取家藏世系且訪列派之後裔作爲族譜不幸又值清人之亂而亡之矣予夕步維舟不來一本偶得不失時傑復取而修之增以後生之未錄者比舊幾益三分之一於是略似就完欲爲刊板而物力未措姑贍數本以分諸兄弟又念多難之際卷子稍大難保不亡則別將小册子只取世系而略於分派專詳於先代年壽履歷忌辰葬地而復略附行蹟於下擬古之所謂家乘者而命之曰述先錄非但所錄者要挾持便簡難失之彼而保乎此也惟我後屬其識此哉庚子正月十三日通訓大夫行稷山縣監時傑謹序

## 順天譜序

族之有譜古也而吾先世譜錄散失於兵燹之後連值喪亂未遑補輯矣族兄時述甫慕先甚篤積年哀集且取各派譜系參互考證輯成一部因其姪子昌燾按察海西刊行若干卷而猶有所未盡者故更加釐正內外纖悉功旣告訖風燭奄及惜乎

吾兄一生用力盡在此錄而未克繡梓余嘗感吾兄慕先之誠用力之勤且恐其泯沒而無傳迺者適宰昇平銳意斯役鳩財捐俸謀及匠手使族姪生員均燾監董之追錄後生之未錄者而詳於本孫略於外裔非謂譜凡例則然蓋緣物力有所不贍觀者恕之 崇禎紀元後歲在壬午四月下澣不肖孫通訓大夫行順天都護府使時潤謹序

庚午譜序

譜牒之作所以明一本也萬物本乎天人本乎祖自祖而孫如木之有枝有葉如山之有峰有阜分鋪而雖衆至千萬究其本則一己此世家之作爲譜牒以明其一本者也譜牒作而知尊祖敬宗之道修敦本睦族之誼則其在淑世教裨風化夫豈淺幾乎哉吾丁白檢校大將軍公在國初德公毓慶累仁子孫昌大世出名卿文章勳伐遂爲東方著姓至于忠靖公德量弘深祿用是副內外曾孫一千二百有餘人天之報施其驗果如是矣其後加平公述先錄海伯公海營譜叅議公順天譜歷舉世德昭載子姓收成帖本殆近二百年斯生齒日蕃親屬日疎玄雲耳來散在各處朞功總祖稍存分數或異鄉涯角竟不得平生一面或貧窮失學有不知派系之所傳以若同祖之孫與路人有別者無幾嗚呼尙可忍言在今日繼志述事之道莫先乎收議入梓廣佈諸宗俾壽其傳而常患財力未究權

與無竟有志未就者蓋亦有年矣歲在戊辰族兄馨教氏發文傳諭于諸宗而凡百  
劄劂之役專任於族姪大栳甫遂乃出謀費慮灑不痛極不待名下之收錢私自備  
辦不數年印成九册刻書各派纖悉備俱於是八域諸宗知所一本而宛然若同堂  
而合席矣自此而敦叙之誼有倍於平日立愛之心益勉於後昆則此皆譜牒之力  
也其有光於先祖有功於吾宗不其大矣乎印纔訖屬余序余寡識且以布素恐有  
忝先之肖不果許既又請至再三乃敢齋沐舉本末于茲庚午三月旬日不肖孫洵  
教再拜謹序

譜何爲而作也士大夫無譜無以詳其祖先後生繁而亦莫能詳此吾丁之舊有譜  
而今又繼之者也吾丁肇於麗代自檢校大將軍公以後綿世千年雲仍蕃昌如水  
一源而千派矣吾祖觀雲公始述述先錄一卷其後德巖公刊之於海蘭又成單卷  
譜以廣之吾丁之譜始於此而叅議公順天譜亦略同焉嗚呼惟我月軒公恭安公  
忠靖公顧菴東園愚潭德巖海左諸公道學文章仕宦出處皆耀名德於一世流聲  
聞於後代人稱爲華宗名門其遺澤所覃餘蔭所庇子孫今益蕃衍家系家乘殆連  
篇而累帙族姪上舍友燮甫慮其寢遠而疎而闕乃與余謀續舊譜而新之役三年  
而訖凡九卷然而吾宗未遑之事苟非友燮甫至誠且篤其何能易就之若是也諸  
宗以余爲德巖公之後屬以弁卷之文余踟躇起再拜曰嗚呼海營譜順天譜皆出

於述先而今日之有續譜亦述先之事也吾宗之所當繼述者奚獨是譜事已也蘇氏曰觀吾譜者孝悌之心油然而出吾宗亦當以孝悌之道繼述之則凡吾同譜者皆將觀感於述先之錄而油然而有是心矣夫服盡則情竭故自朞功至於路人苟知爲路人之可憫則敦睦之誼烏可忽也且爲賢祖之孫者小善難以名小惡易以辱此又可懼也余以是自勉諸宗曰諾遂感歎爲之序庚午三月旣望不肖孫大翊再拜謹序

### 辛未譜序

譜者譜其世也周官小史掌邦國之志尊系世辨昭穆漢之世家年表唐之氏族志其來遠矣我東重氏閥凡大家世族姓各有譜所以嚴派系而序昭穆壹宗族而合疏遠于以尊祖而敬宗于以敦親而厚倫俾知萬殊之必本於一此譜之不可以不作也吾丁自檢校大將軍公仕麗朝九世簪纓蟬聯赫烏逮 聖朝隱德公積德累仁子孫昌盛名公巨鄉繼世而出月軒公文章清節焜耀于一世忠靖公碩德重望鼎呂乎 國朝衰然爲域中望族矣吾族之譜始於述先錄及海營順天譜而或中圯而微或析而散處存沒之莫詳而聲譽之不及焉則不免有闕漏疎略之恨洎于高宗庚午始成大譜合一族之衆而益廣親親之意距今一周甲而昭穆代序生齒益滋世道寢紊喪亂繼之苟不及今而續修之則必將至於無所管攝而便路人若

也族姪元燮甫用是之懼迺自戊辰集合諸族謀所以重刊殫心宣力始終不捨越  
四年辛未功役甫就蓋其敦宗收族之誠繼志述事之道可謂至矣詩曰孝子不匱  
永錫爾類追先而思揚之孝也聚族而思一之仁也凡同是譜者旣孝且仁父詔兄  
勗益勉篤厚則安知不異日食舊德而藉餘蔭吾宗門戶繼此昌大以蕃錫類之慶  
也哉編旣成徵弁卷之文於余余以耄諉不獲乃敢握管而書刊事大槩如右若其  
本籍之所自出各派之所由分暨歷世懿躅之詳俱載於譜牒今不復贅云

辛未九月下澣成均博士不肖孫大夏再拜謹序

羅州丁氏族譜卷之一

始祖

一世

丁允宗

高麗檢校大將軍○後孫若饒謹按高麗史百官誌云太祖初有馬軍將軍大將軍是武職也其職如今從二品嘉善大夫也檢校猶言原任檢攝軍務配失傳

二世

子奕材

中郎將同正若饒謹按中郎將者正五品將官也同正者副正僉正之類以將官兼他司之職也

三世

子良

別將同正若饒謹按別將者正七品將官也

四世

子信

別將同正配同村朴氏父戶長仁規

五世

子俊

別將同正配同村朴氏父散員同正彥林

六世

子公逸

散員同正○若饒謹按散員者正八品將官也配同村朱氏父副戶長彥美以上六代墳墓在押海云而未詳

七世

子元甫

檢校護軍○若饒謹按高麗恭愍時改將軍為護軍○始居開城南郭德水七里元貞大德元祐間人配同村丁氏父大相信景生三男七女女未詳月軒姑丁氏父同村副戶長信景祖京軍伯會祖戶長同正詠高祖戶長同正仁勇校尉成直外祖副戶長朱英

八世

子

初諱瑞 令同正神虎衛保勝郎將忌十二月十一日○若饒謹按郎將者正六品將官也配遂寧朴氏父令同正英且忌八月十八日以上二代墳墓在德水七里云述先錄云 公初諱瑞改諱世或云一諱世一諱瑞以 公之第安瑞光瑞之例推之或恐實諱世瑞而年代已遠未可詳也生一男

子安瑞

見下

子光瑞

見下

九世

子安景

左右衛保勝郎

十世

子衍

初諱 洪隱德

十一世

子子伋

字呂父初字呂

十二世

子壽崑

字不憲 景泰三

十三世

子聃

字 成化十二

十四世

子嗣業

字彥述 嘉靖十

十五世

子弘國

字

十六世

上系

羅州丁氏族譜卷之一